

## Jan e lel yony em ek'awn Ów ek'it eke wél k'uw any

Jan ek'el Jesu ec'erm es lel Efes e Sinyamel a ec'idr es ab a anake kok lel na am awñ Nyamel nyam a. Nyamel a eke n'am awñ lel na a, el Efes eci eb saw saw a e nyam. Jan am oc Nyamel ikñ a bebmn yow gbél ab etñ n'am ot omñ esél a ek'ann em yogñ a, li bebmn yow gbél nyam lel ow ec'ey ab. Na sosiem anake n'am esñ ow Nyamel "ey lis" a. Nyamel a eke in Jan li b'im em a e lisijow el na eke n'am awñ lel a.

N'am ibrm Nyamel a eke n'am awñ lel a ec'agn a eke -li k'erurir el ofr, ke -l'osu sos low yegm esél ayadñu e lís, ke -li k'ebmn agñ amua etu eke wél b'ow el ogñ yogñ a.

### Esññ

<sup>1</sup> Em Nyamel ec'Esññ Likpekp, m'am awñ Yow gbél lele in ec'ey ab† eke Nyam sɔsum ot, ke m'erur a lel. Etñ ow elm em sony m'erur ony, kɔ el a fɛñ ek'uw low nawrɛ† ab any a yeji, <sup>2</sup> low nawrɛ ek'ann ey em, ke b'ow ann ey em godo godo fɛñ a sosiem. <sup>3</sup> Ke Nyam Es, lele Jesu Krist Es Iyñ ec'owrɔ, sɔññ ikñ lele erm es ey ab, áññ ey ab nawrɛ em lele erur em ab.

### Esññ lawl ec'erur

---

† **1:1** *Yow gbél lele in ec'ey ab:*Grɛk em a Kiria ek'el Nyamel ec'agn a nimum. † **1:1** *low nawrɛ:*Jan e lel ab em, low nawrɛ ke Amani Mamn ana.

<sup>4</sup> Sos em am iñn'm nɔnɔ eke m'ekn η ec'ey beb am an es low nawre em ese ol eke s'eb Es ogn ab af. <sup>5</sup> Sica Yɔw gbɛl eke Nyam sɔsum oc, low eke m'am ibrm'η a el: s'érurir ey ɔfr. Ke na ow elm ol owr m'enyum m'ɔm'η, kɔ ow eke s'eb kpɔkpɔ em etɪ ab ana. <sup>6</sup> Etɪ erur a el: ke s'án es Nyam e sol ab af. Etɪ ol a el: ke kókr erur e low ese elel eke irir kpɔkpɔ em etɪ ab af.

### *Low any uw esɛl ayadɪu*

<sup>7</sup> Ayadɪu nɔnɔ ow wus na af ek'égnm Jesu Krist ek'ow sos megl em a e low ebm. Egn eke bi kok ese el af a, l'el yadɪu, l'el Krist ec'ifnu. <sup>8</sup> Ɔsur sos gɔɪ yec'etɪ ke k'írmnmn ɔny e juma eke kokr a eci labm sɔg, kɔ ke éɲan ow ec'ob ap ligbɛl a. <sup>9</sup> Egn fɛɪ eke bi digɪ Krist eci low yegm a elu es a, okrm af Nyam ab; kɔ egn eke b'ucu low yegm na ɔny es a, l'okr af Es lele Jim ab.

<sup>10</sup> Ek'égn fɛɪ am ow ɔny ogn etɪ l'isam low yegm na ab a, k'èbr ir k'elul il akɪ, k'òɲan in akpa bɔbɔ yeɪ; <sup>11</sup> egn eke b'ɔɲ'n akpa a, ke ow e juma eɲɪ a anake in yeɪ n'am kok a.

### *Uwar em ec'odad*

<sup>12</sup> M'ɔny ów nɔnɔ eke mi ki nɔn m'awɪ ɔny, kɔ m'erurm eke mi k'oc lel lele lel mij ab; gbɛkɔ m'am tutr eke mi k'ow m'ekn ɔny, ke si dád s'okarir yec'etɪ ke ey e sos em iñn a él tasi. <sup>13</sup> Esɪ jɔw† eke Nyam sɔsum oc a ec'ey a am ibrm'η.

---

† **1:13** Esɪ jɔwel Nyamel a eke Nyamel ec'Égn Likpekp a ek'am awɪ lel a anɪ em a ec'agn a.

**Amani Owr**  
**Adioukrou: Amani Owr New Testament**

copyright © 1998 Wycliffe Bible Translators, Inc.

Language: Adioukrou

Contributor: Wycliffe Bible Translators, Inc.

All rights reserved.

2020-11-10

---

PDF generated using Haiola and XeLaTeX on 21 Feb 2024 from source  
files dated 29 Jan 2022

b20fd1e5-39e1-5678-9af9-b99e1ebfb994